



ANG

PAHAYAGAN NG PARTIDO KOMUNISTA NG PILIPINAS
PINAPATNUBAYAN NG
MARXISMO-LENINISMO-MAOISMO

Bayan

Ispesyal nga Isyu

Edisyong Hiligaynon

26 Disyembre 2002



SAULOGON ANG IKA-34 ANIBERSARYO SANG PARTIDO! MAGPURSIGER SA PAG-ANGKON SANG MAS DALAGKU NGA KADALAG-AN!

NI ARMANDO LIWANAG

Tsirman, Komite Sentral
Partido Komunista ng Pilipinas
Disyembre 26, 2002

Sa ngalan sang Komite Sentral, ginapaabot ko ang pinakamainit nga maki-kaupod nga panamyaw sa tanan nga kadre, katapu kag kandidato nga katapu sang Partido Komunista ng Pilipinas sa okasyon sang ika-34 anibersaryo sang liwat nga pagkatukod sang Partido sa ubay sang Marxismo-Leninismo-Maoismo.

Ginapaabot ko man ang hugot sa tagipusuon nga pagtamyaw sang rebolusyonaryong pagpakig-isa sa tanan nga Pulang kumander kag hangaway sang Bagong Hukbong Bayan, tanan nga rebolusyonaryong masang aktibista, mga upisyal sang mga organo sang gahum pangpulitika kag malapad nga masa sang pumuluyo.

Ginasaulog naton ang mga natipon kag bag-o nga kadalag-an sang Partido kag rebolusyonaryong masa. Pasidunggan naton ang aton mga martir kag baganihan. Liwat naton palig-unon ang aton panindugan nga

alagaran ang pumuluyo kag isulong ang rebolusyong Pilipino.

Magpursiger kita sa pag-angkon sang dugang nga dakung kadalag-an sa bag-ong demokratikong rebolusyon batuk sa imperyalismong US kag lokal nga mga nagaharing sahi. Sumahon naton ang aton mga inagihan, tasahon ang aton mga kabaskugan kag kahinaan kag ipatuman ang mga hilikuton sang bug-os nga Partido kag sang mga organo kag yunit nga ginapasakupan naton. Pataason naton ang rebolusyonaryong paghimakas sa bag-o kag mas mataas nga halintang.

Ang adlaw-adlaw nga nagalala nga kundisyon sang krisis paborable para sa pagsulong sang rebolusyong Pilipino kag sang pangkalibutanon nga proletaryong rebolusyon. Ang pagpamigos kag pagpanghimulos nagatulod sa malapad nga masa sang pumuluyo nga ipakigbatu ang ila mga kinamatarung kag interes. Katungdanan sang mga rebolusyonaryong partido sang proletaryado nga pamunuan ang pumuluyo sa rebolusyonaryong paghimakas para sa pungsudnon nga paghilway, demokrasya kag sosyalismo.

IMPERYALISTANG KRISIS KAG TERORISTA NGA GERA

Umpisa nga mapukan ang mga rebisyunistang rehimen kag nabungkag ang Soviet Union sadtong 1989-91, naglunsar ang imperyalismong US sang tatlo ka nagabuligay nga opensiba: isa ka opensiba pang-ideolohiya nga nagadeklarar sang katapusan sang sosyalistang misyon, isa ka opensiba pang-ekonomya nga nagagamit sa islogan sang globalisasyon nga "hilway nga merkado" kag opensiba pulitiko-militar kon sa diin ginatuyo sang solo nga *superpower* nga ipapanaog ang Pax Americana (Kalinungang Amerikano) sa bag-ong orden sa kalibutan. Ang tanan nga opensiba nga nagsulsol sang pagbatu sang proletaryado kag pumuluyo.

Daku ang naamot sang Partido sa panindugan para sa sosyalismo batuk sa imperyalismo kag modernong rebisyunismo paagi sang mga publikasyon kag mga kumperensya sang mga partido komunista. Ginapamatian sang iban nga partido ang aton partido bangud ginakilala nila husto nga Marxista-Leninista nga linya nga ginagamit naton sa pag-atubang sang mga isyu kag ginasunod sa aton hilikuton.

Daku man ang naamot sang Partido sa pagkakas sa maskara sang globalisasyon sang "hilway nga merkado" halin sa dagway sang monopolyo kapitalismo kag sa lubos nga paghayag sa mapait nga kamatuoran sang imperyalismong dekadente

kag himamatyon, nga ginakombulsyon sang madalum nga krisis kag may huyog sa pinakamalaut nga porma sang terorismo, pareho sang mga gerang agresyon kag mga mapiguson nga rehimen.

Ang Partido nakigbayluhanay sang panan-awan kag inagihan sa iban nga partido bahin sa nanari-saring porma sang rebolusyonaryong paghimakas kag nagabuyok sa iban nga partido nga pauswagon

Sa lubos nga pagkapaslaw sang globalisasyon sang "hilway nga merkado", nagapangita sang solusyon ang rehimen Bush sa militaristang Keynesianismo...



ang mga porma sang rebolusyonaryong paghimakas santu sa ila kongkretong kahimtangan. Naga-hatag ini sang ispesyal nga pagtamod sa pagbuyok sang paghanda kag pagpauswag sang inaway banwa, ilabi na sa mga pungsod nga malapyudal kag malakolonyal.

Importante katama nga magpursiger sang Partido nga pamunuan ang bag-ong demokratikong rebolusyon sa Pilipinas kag itib-ong ang pangkasaysayan nga misyon sang proletaryado sa pagtukod sang sosyalismo umpisa sadtong 1989-91, sang nagpabugal sang imperyalismo ang pagkabungkag sang mga rebisyunistang rehimen kag sang Soviet Union.

Subong, ang Partido naton kalakip sa mga partido nga pinakahanda kag may pinakamataas nga kumpanya nga hingalitan ang madasig nga nagalala nga krisis sa pang-kalibutanon nga sistemang kapitalista kag pamunuan ang rebolusyonaryong paghimakas sang pumuluyo. Walay tupong ang krisis sang sobra nga produksyon kag mga pagkarumpag sa pinansya. Athagon na gid ang krisis sa tatlo ka sentro sang pangkalibutanong kapitalismo, ang US, Japan kag Euroland.

Mas mabaskog ang hanot sang krisis sa mga sekundaryong pungsod kapitalista nga may pila ka basehang industriya. Pero ang labing malala amo ang krisis nga nag-igo sa mas daku nga mayorya sang mga pungsod. Kalakip diri ang mga malakolonyal kag malapyudal nga pungsod sa ikatlong kalibutan kag mga pungsod nga madugay nag-us-os sa idalum sang rebisyunistang pagginahum kag padayon nga mas madasig ang paggrave sang kahimtangan sa idalum sang hayagan nga kapitalismo.

Ang madasig nga paghukhok sang ganansya halin sa sahing mamumugon kag pumuluyo sang kalibutan kag ang pinadasig nga konsentrasyon kag sentralisasyon sang amo nga ganansya sa pila ka imperyalistang pungsod sa idalum sang islogan nga globalisasyon sang “hilway nga merkado” nagpakupos sa kita kag ikasarang magbakal sang mga anakbalhas kag nagpakitid sa mga pangkalibutanon kag pungsudnon nga merkado.

Umpisa sadtong panahon sang 1989-91, ang Japan, Germany kag mga pungsod sa daan nga blokeng Soviet maathag nga indi maka-lampuwas sa pagkabahura sang ekonomya kag madugayan nga resesyon. Ugaling sa laban sang dekada 1990, ang US daw isa ka makina nga wala nagapalya nga ginasaligan makapatibawas sa pila ka adlaw sa iban pa nga sentro sang kapitalismo kag sa iban pa nga bahin sang pagkalibutanon nga sistemang kapitalista.

Nakaganyat kag nakahigop ang US sang pondo halin sa iban nga pungsod kag nagduso sang mapagsik nga pagpangapital sa bono kag sapi sa US. Gindabukan ini sang sobrang produksyon sa mga kagamitan kag serbisyong *hi-tech*. Ginapabugal sini ang “bag-ong ekonomya” nga kuno madasig ang pagdaku kag mataas nga lebel sang konsumo apang wala implasyon, tubtub nga inigo ini sang krisis sang sobrang produksyon sa kagamitan kag serbisyong *high-tech*. Umpisa Marso 2000, ang kapagsik nangin malawigan nga pagsadsad, nga nagpadumdum sa Dakung Depresyon.

Ang solusyon nga ginatanyag sang rehimeng Bush sa krisis sang US kag pangkalibutanon nga kapitalismo amo ang paghinguyang sang mas daku nga pondo sa mga monopolyong empresa ilabi na sa industriya militar, kag pagpagana sang produksyon panggera sa ganyat sang mga eksempsyon sa buhis, subsidyo sa pagpanalawsaw kag pagsulod sang pungsudnong gubyrno sa mga kontrata sa pagpamakal.

Sa lubos nga pagkapaslaw sang globalisasyon sang “hilway nga merkado”, nagapangita sang solusyon ang rehimeng Bush sa militaristang Keynesianismo, pagpasikad sang ekonomya paagi sang pagpataas sang produksyon panggera kag gastos militar. Sandig diri, ginasulsulan sang rehimen ang isterya sang “gera batuk sa terorismo”, nga ginatapalan ang mga atake sadtong Septyembre 11 bilang lisensya sa paglunsar sang gerang agresyon kag pagduso sang mga

pasistang polisiya kag layi sa pangkalibutanon nga sakup.

Sa sulod mismo sang US, ang administrasyong Bush ang nagadabuk sang jingoismo kag pasismo paagi sa Patriot Act kag iban pang ginatawag nga layi batuk sa terorismo. Sa luwas sang pungsod, ginapalapad sini sa iya mga kaalyado nga imperyalista kag mga idu-ido ang pamaagi kag porma sang pagpamigos agud mapadali ang mga gerang agresyon kon sa diin ginabombahan na lang sang US ang mga sibilyan nga populasyon kag iban pang nagatindog nga istruktura agud puluhuron ang ginatarget nga estado.

Pagkatapos sang mga atake sadtong Septyembre 11, ginabangdan sang US ang paglagas sa al Qaeda agud lupigon ang Afghanistan paagi sa isa ka gerang agresyon. Paagi sang pagsakop nga ini, nakontrol sang US ang ginahalinan sang langis sa Caspian Sea kag Central Asia kag ang ginaplano nga ruta sang suplay pakadto sa Indian Ocean nga magaagi sa

Afghanistan kag Pakistan.

Ang pagkadaluk-daluk man sini sa langis ang nagduso sa US nga gamiton nga rason ang paglagas sa bandido nga Abu Sayyaf sa isla sang Basilan agud makabukas sang “ikaduha nga patag-awayan” nga kuno gera batuk sa terorismo sa Asia. Ang matuod nga katuyuan sang mga imperyalistang US amo nga pabaskugon ang estratehikong pusisyon sini sa Pilipinas kag hugton ang kontrol sini sa suplay sang langis kag iban pa nga dunang manggad sa Southeast Asia.

Nakita sini nga mas madali gamiton nga pamahog ang Al Qaeda sangsa sa daan nga pamahog nga China.

Ang kalibutan subong magsaksi liwat sa malapit nga todo-todong gerang agresyon sang US batuk sa Iraq. Ang katuyuan sang mga imperyalistang US amo ang direkta nga kontrolon ang resorsa sang langis sang Iraq kag labing hugton ang kontrol nila sa Middle East kag labing lapakon ang pumuluyong Palestino kag Arabo.

Gusto sang mga imperyalistang US nga liwat mangolonya sang mga pungsod samtang nagalikaw nga mag-angkon sang kasamaran ang mga Amerikano. Gani nagapangbomba sila ukon nagapamahug nga mangbomba sa mga sibilyan nga



komunidad kag imprastruktura. Nagabunga ini sang kaakig sang pumuluyo kag nagaduso sang popular nga pagbatu nga mas malapad kag mas masingki sangsa nagtaliwan.

Ginapanindugan sang pigos nga pumuluyo sa kalibutan ang ila kinamatarung sa pungsudnon nga paghilway kag demokrasya kag ginapamatukan nila ang pagpaluntad sang hegemonya sang US kag pagpasingki sang pagpandambong, pagpamigos kag inaway. May pila man ka estado sa ikatlong kalibutan nga nagapursiger sang ila pungsudnon nga independensya, ilabi na nga ginabilang sila sang US nga mga “buyong” nga estado, “sentro sang kalainan” ukon mga potensyal nga pangontra.

Ang US kag mga imperyalistang alyado sini padayon nga nagaisa sa pagpamigos kag pagpanghimulos sa pumuluyo sang ikatlong kalibutan kag sang mga atrasadong pungsod. Pero amat-amat nga nagakabalaka ang Japan kag Western Europe sa unilateral nga tikang sang US agud mamahug kag maglunsar sang gera kag monopolisahan ang langis kag iban pang dunang manggad kag sakupon ang mga balaligyaan, patag sang pangapital kag mga estratehikong *points of control*.

Sa sulod sang mga imperyalistang pungsod, lapnagon ang diskuntento sa kubay sang mga mamumugon kag peti-burgesya nga subong nagabatas sang lapnagon nga disempleyo, mas gamay nga sweldo kag bahado nga mga benepisyo sosyal. Nagasulong ang mga malaparan nga pagbatu sa imperyalistang gera kag pasismo, sobinismo kag rasismo. Buot takpan sang mga monopolyong burgesya ang responsibilidad sini sa krisis paagi sang pagtunga-tunga sa mga proletaryado kag pagtudlo sang basol sa mga day-o nga mamumugon kag iban nga pungsod. Ginahangkat ang mga partido komunista sa mga imperyalistang pungsod nga itransporma sa mga gera sibil ang mga gerang imperyalista.

DESPRESYON KAG PAGPAMIGOS

Samtang gusto sini ipabilin ang nagaharing sistema nga malakolonyal kag malapyudal sa aton pungsod, indi mapalagyuhan sang ulipon sang US nga rehimeng Macapagal-Arroyo ang nagapalala nga krisis sang pangkalibutanon nga sistemang kapitalista. Nagakarusdak ang ekonomya padulong



sa isa ka malawigan nga depresyon. Kag labi nga nangin mapiguson ang rehimen sa handum sini nga pahipuson ang pumuluyo.

Labi nga nagatampok ang kawawad-on sang basehang industriya. Ang nagaluntad lang nga mga industriya, nga mga nakasandig sa importasyon, lunsay narusdak sa depresyon. Nangin bakante ang

**Duso sang desperasyon,
ginasunod sang rehimen
ang pinakabrutal
nga mga dikta sang US...**

kadam-an
sang mga
matag-as
n g a
bilding
p a n g -
upisina

kag residensyal umpisa sadtong 1997 kon sa diin natapos ang kapagsik sang pribadong konstruksyon sang ang Southeast Asia naigo sang krisis bunga sang sobrang pagpangutang para sa produksyon sang mga semi-manupakturang pang-eksport kag para sa ispekulasyon sa *real estate*.

Sobra ang pangkalibutanon nga suplay sang mga hilaw nga materyales kag mga semi-manupaktura nga may dugang nga manubo-kalidad nga ginapadala sang ekonomya sang Pilipinas sa pangkalibutanon nga merkado, relatibo sa merkado nga yara sa depresyon. Bisan agraryo sa kadam-an ang ekonomya, naggamay ang produksyong agrikultural resulta sang liberalisasyon sa importasyon kag sang mataas nga kalidad sang mga imported nga agro-kemikal, makinarya panggaling, transportasyon kag langis.

Kulang ang mga utang pangluwas nga kinahanglanon para tustusan ang depisit sa negosyo. Samtang, nagadaku nga nagadaku naman ang kwarta nga kinahanglanon sa pangbayad utang. Pareho ni Estrada sa nagtaliwan lang, padayon nga nagpakitluoy si Macapagal-Arroyo sa Japan para sa mga utang pang-imprastruktura agud may mapakita nga aktibidad pang-ekonomya. Pero sa kamatuoran, ang amo nga mga utang dugang nga pabug-at sa ekonomya bangud dala sini ang mas mabug-at nga kundisyon kag bangud ang mga ini pangunahon nga target sang burukratikong korapsyon.

Ang pagkabangkarote sang ekonomya sang Pilipinas makit-an sa nagapatibusok nga bili sang piso kontra sa dolyar sang US, sa nagadaku nga depisit sa negosyo kag badyet kag sa madasig nga pagdaku sang pangluwas kag lokal nga utang.

Ginapagrabe sang rehimeng Macapagal-Arroyo ang pagpanghimulos sa masang anakbalhas kag nahanunga nga saray sang katilingban. Ginabuyok sini ang malaparan nga pagpahalin sa trabaho, ang pagtaas sa presyo sang mga basehang produkto kag mga serbisyo, ang madalum nga pagtibusok sa

matuod nga balor sang sweldo, ang pagbuhin sa mga benepisyo sosyal kag ang sobra nga pagpanukot sang pribado nga nagapanag-iya sang pangpubliko nga serbisyo. Ginasingling nga ang mga tikang nga ini kinahanglanon sang mga nagapanag-iya sang kapital agud lubaron ang ila mga problema kag mangin istable ang ekonomya sang “hilway nga merkado”.

Naghugakum sang higante nga tubo ang dalagku nga monopolyo kapitalistang nagapanag-iya sang mga ginsapribado nga pangpublikong serbisyo sa enerhiya kag tubig kag ginapamilit sang mga konsyumer nga ibalik sa ila sang mga kumpanya nga ini ang mga sobrang ginsukot. Naglain nga naglain pa gani ang ila serbisyo, mangayo pa sila dugang nga sukot balayran sang mga konsyumer. Pagkatapos kuno ginapaandaman iganasyunalisa ang mga kumpanya nga ini, naghimbunanay subong ang rehimeng Arroyo sa ila agud pat-uron nga mapabilin nila ang ila mga pagpanag-iya kag makapuga pa gid sa mga konsyumer.

Ang nagagrabe nga krisis sa ekonomya nagaresulta sang nagasingki nga diskuntento sa katilingban. Padayon nga ginapaakig sang rehimen ang masang anakbalhas sa pagtamay sini sa ginapangayo sang mga mamumugon nga pangkabilugan nga dugang-sweldo kag sa ginademanda nga reporma sa duta sang mga mangunguma. Ginaagrabyo man ang iban nga sektor pangkatilingban sa pagbale-wala sa ila mga ginademanda. Nagalupok ang diskuntento sa porma sang mga welgang sektoral kag multisektoral kag iban pa nga aksyong protesta sang mga mamumugon, mangunguma, mangingisda, kababainhan, kabataan, titser, mga mamumugon sa ikaayong lawas kag iban pang sektor.

Ang krisis sa ekonomya nagresulta sang masingki nga krisis pangpulitika. Masingki nga naga-ilinaway ang nanari-saring paksyon sa nagaharing sahi, kag amo man sa sulod sang nagaharing koalisyon. Naggamay katama ang manggad nga makawat sang mga burukrata gani ang tendensya sang nagaharing hubon nga monopolisahon ang pagpangawat nga nagatuga sang pagbuyagyang sang mga anomalya bisan sa sulod mismo sang nagaharing koalisyon.

Ang mga kaso sang korapsyon sa nanari-saring lebel sang reaksyunaryong gubyrno labing nangin lapnagon kag mas baraghal sangsa nagtaliwan. Ang labing makaulugot sa pumuluho amo ang mga kaso sang korapsyon nga ginaimbolbaran sang mag-asawang Arroyo kag mga suod sa ila.

Sa sulod sang nagaharing koalisyon, may huring-huring kag nagalapnag nga panan-awan nga mabudlayan magpabilin si Gng. Macapagal-Arroyo sa poder antes ang eleksyon 2004 ukon makaangkon

sang daku-daku nga tsansa sa pagka-pangulo sa 2004. Bukas si Bise Presidente Guingona nga bayluhan siya bag-o ang 2004. Hayagan nga ginapanugyan sang paksyon ni De Venecia ang pagpatuman sang sistemang parlamentaryo paagi sang pag-amyenda sa konstitusyon bilang pamaagi para maalwan nga makalusot si Gng. Macapagal-Arroyo.

Ginapasingki subong sang mga partido kag organisasyong oposisyon ang ila kampanya agud ihayag ang mga anomalya sang rehimen kag lubos nga samaron ini. Ang iban nga pwersa nga nagaupod sa pagpukan kay Estrada bukas subong mag-entra sa isa ka malaparan nga nagahiliugyong prente kag malaparan nga kahublagang masa para pahalinon si Macapagal-Arroyo sa pwesto sa 2003.

Indi man siya mapahalin sa pwesto sang isa ka popular nga pag-alsa, labing magahina na siya kag mahamulag antes ang eleksyon 2004. Madamo ang nagapati nga ginhimo nga diskwalipikado ang iya kaugalingon sa pagpangampanya sa 2004 bunga sang labing mapintas nga mga opensiba militar nga ginalunsar sang iya rehimen batuk sa pumuluho.

Duso sang desperasyon, ginasunod sang rehimen ang pinakabrutal nga mga dikta sang US kag ginasunod ang mga islogan nga “gera batuk sa terorismo” kag “panagang nga pagsalakay” ni Bush. Sobra-sobra nga pag-ikog-ikog ini nga paghimbunanay sa US agud lapakon ang pungsudnon nga soberanya kag teritoryal nga integridad sang Pilipinas.

Nagpaidalum na ini sa US-RP Mutual Logistical Support Agreement, nga nagdugang pa sa RP-US Military Assistance Agreement, Mutual Defense Pact kag Visiting Forces Agreement. Makasulod ang mga pwersang militar sang US sa teritoryo sang Pilipinas san-o man gustuhon kag mahimo nila okupahon anuman nga parte sini san-o man kadugay sa ngalan sang pagbatu sa terorismo, mga paghanas, aksyong sibiko kag kon anu-ano pa.

Nagpakighimbunanay ang administrasyong Bush sa rehimeng Arroyo sa paggamit sa anti-teroristang kampanya batuk sa bandidong hubon Abu Sayyaf nga tuga sang CIA agud mapasulod sa Pilipinas ang mga pwersang pangkombat sang US kag ipabugal ang ila mga *high-tech* nga kagamitan. Pero ginahayag lamang sini ang pagka-inutil sa pagwasak bisan ang



amo lang kagamay nga grupo nga nagagamit sang mabudlay kag madamol nga tereyn sang ila tinubuan nga isla. Mas sobra pa ang dangtan sang mga tropang imperyalista kag papet batuk sa rebolusyonaryong kahublagan sa bug-os nga pungsod nga ginapamunuan sang aton Partido.

Sa nagaharing sirkulo ni Arroyo, ang rehimen ginatumod na sang mga myembro sang kabinete nga nakatalana sa pungsudnon nga depensa, pungsudnon nga seguridad kag negosasyon pangkalinungan nga mangin mapiguson kag mapanggera. Ginparalisa nila ang negosasyon pangkalinungan sang GRP kag NDFP kag ginhingyo sa US nga malakip ang PKP, BHB kag ang *chief political consultant* sang NDFP sa listahan sang mga terorista, lapas sa Joint Agreement on Safety and Immunity Guarantees kag iban pang kasugtanan sa tunga sang GRP kag NDFP.

Ginaduso nila si Macapagal-Arroyo nga mangin desperado sa iya polisiya nga todo-todong gera. Laum siguro nila nga mapwersa nila nga magsurender ang NDFP paagi sa pagpasingki sang mga kampanya sang pagpamigos sang militar kag pulis batuk sa mga mamumugon kag mangunguma kag pagpresyur sa mga negosyador, konsultant, istap kag tagasuporta sang NDFP sa ibang pungsod. Sila ang yara sa likod sang mga pagkuot, pagtortur kag pagpamatay sa mga lokal nga lider kag myembro sang Bayan Muna.

Samtang, nagapabilin nga napahat-pahat ang reaksyunaryong armadong kusog kag pungsudnon nga pulisya bunga sang paksyunal nga banggianay sang mga upisyal sang militar kag pulisya nga nagatapik sa lain-lain nga lider pulitiko ukon nagapadalagan sang mag-karibal nga sindikato kriminal nga imbolbado sa ismagling, droga, pasugal, prostitusyon kag iban pa.

Ang pag-ikog-ikog kag korapsyon sang mga nagahari nga reaksyunaryong pulitiko kag upisyal sang militar kag pulisya nagapaakig sa pumuluyo. Samtang ginadugangan ang pondo pangpubliko nga ginahinguyang sa militar kag pulisya, nagaprotesta ang pumuluyo batuk sa paglikaw sang pondo halin sa edukasyon pangpubliko, ikaayong lawas, barato nga pamalay kag iban pa, ilabi na sa mga rehiyon sa gwa sang Metro Manila.

Nagagrabe ang mga paglapas sa mga kinamatarung pang-ekonomya, pangkatilingban, pangkultura, sibil kag pangpulitika sang pumuluyo. Brutal nga ginatapna ang demanda sang mga

Daku nga kabuangan ang ginapasuni sang kaaway nga nalutos na kita sa paghimakas bangud wala na sang dalagku nga sosyalistang pungsod nga makasuporta sa aton mga rebolusyonaryong pagtinguha.

mamumugon para sa mas maayo nga sweldo kag kundisyon sa pagpangabuhi. Sa amo man, ang demanda sang mga mangunguma para sa duta ginasabat sang nagapasingki nga kampanya militar kag pangpulitika agud tapnaon ang reporma sa duta nga ginapatuman sang mga organisadong masa kag rebolusyonaryong pwersa kag agud labi pa nga agawon ang duta kag mga komunal nga manggad sang mga imol nga mangunguma kag pungsudnon nga minorya.

Ang pag-ikog-ikog, pagka-inutil, korapsyon kag kapintas sang rehimen ang nagasulsol sa malapad nga masa sang pumuluyo nga mag-alsa. Ang nagasingki nga mga kontradiksyon sa

kubay sang mga reaksyunaryo nagapakita sa pumuluyo nga pwede mapukan ang nagaharing sistema bangud garuk ini sa sulod.

NAGASULONG NGA REBOLUSYONARYONG KAHUBLAGANG MASA

Sugod sa umpisa, ginlapat na sang Partido ang Marxismo-Leninismo-Maoismo sa kongkretong kahimtangan sang Pilipinas kag sa sini husto nga natalana ang pangkabilugang linya sang bag-ong demokratikong rebolusyon paagi sa malawigan nga inaway banwa. Santu ang linya nga ini sa malakolonyal kag malapyudal nga kinaiya sang nagaharing sistema.

Nakaangkon kita sang dalagku nga pangpulitikang kadalag-an kon ginasunod naton ang pangkabilugang linya nga ginatalana sang Partido. Kon wala, nakahimo kita sang malala nga kasaypanan kag naga-eksperensya sang malala nga pag-atras nga malubad lamang sang isa ka kampanya sang pagsaway-sa-kaugalingon kag pagpanadlong, pareho sang Ikaduha nga Dungganan nga Kahublagan Pagpanadlong.

Ginsaway kag ginsikway naton ang sala nga linya nga ang Pilipinas indi na malapyudal—isa ka sayup kag mapaniplang panan-awan nga nagadayaw kay Marcos sa pagpatuman sang kauswagan industriyal kag pagpatuman sang reporma sa duta. Gani ginsikway naton ang “Wala” nga oportunistang linya nga armadong insureksyon ang pangunahon nga porma sang armadong paghimakas amo man ang Tuo nga oportunistang linya nga ligal nga paghimakas ang pangunahong porma sang paghimakas.

Ginsaway kag ginsikway naton ang sala nga linya nga ang paghimakas para sa pungsudnon nga

pagpahilway lipas na base sa sala kag maluibon nga panan-awan nga sa idalum sang globalisasyon sang "hilway nga merkado", ang halambalanon sang pungsudnon nga soberanya bale-wala na kuno sa pagtuhaw sang isang ka bugana nga ekonomya pangkalibutanon nga wala sang kutod.

Paagi sa Ikaduha nga Dungganan nga Kahublagang Pagpanadlong, napangibabawan naton indi lang ang mga "Tuo" nga oportunistang kasaypanan kundi amo man ang mapangwasak nga mga epekto sang maduguon nga krimen sang pinakamalaut nga "Wala" nga oportunista nga mangsulsol sang isteryang anti-impormer agud hatagan rason ang kapaslawan sang ila sala nga linya bilang kahimuan sang mga "deep penetration agent."

Napangibabawan naton indi lang ang mga Tuo nga oportunistang kasaypanan kundi amo man ang mga plano sang mga Tuo nga oportunista nga likidahon ang Partido, isurender sa kaaway kag magsulsol sang repormismo kag oportunismo. Nagguba tani sang mga kontra-rebolusyonaryo ang Partido kag ang bilog nga rebolusyonaryong hublag kon indi bangud sa kahublagang pagpanadlong nga ginlunsar sang Komite Sentral sadtong 1992.

Sa aton pang-ideolohiya kag pangpulitika nga pagpakigbanggi sa mga traidor nga nagangakngak sang ginsamu-samo nga hayag nga burges liberalismo, Gorbachovistang rebisyunismo kag Trotskyistang rebolusyonismong petiburges, ang aton Partido nakapalig-on sa ideolohiya kag ginakilala bilang isa nga nagapangunang tagpangapin sang sosyalistang prinsipyo kag isa ka huwaran nga lider kag tagapangapin sang prinsipyo sang pungsudnon nga pagpahilway kag demokrasya.

Daku nga kabuangan ang ginapasuni sang kaaway nga nalutos na kita sa paghimakas bangud wala na sang dalagku nga sosyalistang pungsod nga makasuporta sa aton mga rebolusyonaryong pagtinguha. Kaladlawan para sa aton ang manabaw nga paglaragway sa mga rebisyunistang rehimen bilang sosyalista kag bilang ginahalanan sang inspirasyon kag suporta pinansyal. Bilang isa ka rebolusyonaryong partido sang proletaryado, madugay na nga ginatib-ong ang Marxismo-Leninismo batuk sa modernong rebisyunismo kag nagasunod kita sa prinsipyo sang pagtindog-sa-kaugalingon sa aton rebolusyonaryong paghimakas.

Liwat naton ginpanindugan sa aton pungsod ang estratehikong

linya sang malawigan nga inaway banwa, nga nagatumod sang pagpalibot sa kasyudaran halin sa kaumhan kag pagtipon sang kusog tubtub makaangkon kita sang ikasarang nga dugmukon ang mga pwersa sang kaaway sa kasyudaran. Napundar naton ang Bagong Hukbong Bayan bilang pangunahon nga organisasyon sang pumuluyo para sa paglunsar sang armadong rebolusyon, antipiyudal nga paghimakas kag pagtukod sang mga organisasyong masa kag mga organo sang gahum pangpulitika.

Sa subong, ang BHB may kabilugang isip nga di magkubos sa tatlo ka dibisyon ukon siyam ka brigada ukon 27 batalyon sang mga pultaym nga Pulang hangaway nga may mabaskog nga riple. Dugang pa sini ang pila ka pulo ka libo nga masa sang milisya sang pumuluyo kag ang ginatus-libo nga yara sa mga yunit depensa-sa-kaugalingon sang mga organisasyong masa.

Nahamtang ang aton mga Pulang hangaway sa 128 prenteng gerilya, nga nagasakup sa signipikanteng bahin sang 800 banwa kag 70 prubinsya. Kada prenteng gerilya may sentro-degradabilidad nga ginakomposar sang isa ka platun ukon pinadaku nga platun nga sakup ang pila ka baryo. Ang relatibo mas nakadispers nga mga iskwad nahamtang sa hilikuton pangmasa kag mahimo matunga-tunga sa mga armadong tim pang-propaganda. Determinado kag militante naton nga ginakonsolida kag ginapalapad ang nasambit nga mga prenteng gerilya.

Ginhatagan naton sang tum-ok ang antipiyudal nga paghimakas bangud ini ang pamaagi agud sabton ang demokratikong demanda para sa duta sang masang mangunguma. Ginapanubo naton ang arkila sa duta, ginadula ang usura, ginapataas ang sweldo sang mga mamumugon sa uma (nga may pagkonsiderar kon ang nagabayad sang kusog-pangabudlay mangunguma man ukon mga agalon nga mayduta), ginapataas ang presyo sang mga produkto sang mangunguma kag nagapasanyog sang mga trabaho pang-agrikultura kag pang-saydayn. Ginapatuman naton ang minimum nga reporma sa duta samtang maksimum ang direksyon sang programa sa reporma sa duta.

Nakatukod kita sang mga organo sang gahum pangpulitika, lunsay ginnombrar kag mga ginpili. Sa puno sang mga ini, nakatukod kita sang mga organisasyong masa sang mangunguma, mamumugon,



mangingisda, kababainhan, kabataan kag aktibista pangkultura. Luwas sa reporma sa duta, nakalunsar kita sang mga kahublagang masa sa produksyon, edukasyong masa, pagdepensa-sa-kaugalingon, ikaayong lawas kag katinluan, hilikuton pangkultura, paglubad sang mga banggianay kag iban pa.

Ang mga kahublagang masa nga ginalunsar naton sa kaumhan, ilabi na ang reporma sa duta, nagapahilway kag nagahatag-gahum sa mga mangunguma nga madugay na ginapigos kag ginahimuslan. Nakapatuhaw ang mga ini sang mga aktibistang masa halin sa kaumhan kag nakaengganyo man sa mga kadre kag aktibista sa kahublagan masa sa kasyudaran nga magtuon kag makig-ambit sang inagihan sa mga mangunguma.

May interaksyon kag nagapalig-on sa kada isa ang mga kahublagang masa sa kaumhan kag kasyudaran. Muklat ang tanan nga rebolusyonaryo nga pananglitan may pasista nga pagdakpanay sa kasyudaran, pareho sadtong panahon ni Marcos, may dalangpan ang mga aktibistang masa sa pagsaylo sa kaumhan halin sa kasyudaran kag makaalagad sila sa rebolusyonaryong kahublagan masa didto.

Nakapauswag kita sang baseng masa kag mga kahanasan para gamiton ang pungsudnon nga nagahiliugyong prente bilang hinganiban sang armadong rebolusyon sa pagpamuno sang sahing mamumugon. Ang basehang alyansa sang sahing mamumugon kag mangunguma nga nagakomposar sa baseng masa lunsay para sa antipyudal nga paghimakas para sa demokrasya kag sa anti-imperyalistang paghimakas para sa pungsudnon nga pagpahilway.

Paagi sa pagpalig-on sa basehang alyansa sang masang anakbalhas, yara sa mas maayo nga pusisyon kita sa kada tikang agud tukuron ang alyansa sang mga progresibong pwersa (nga ginalakipan sang petiburgesyang taga-urban), alyansa sang mga patriyotikong pwersa (nga ginalakipan sang nahanunga nga burgesya) kag sang malapad nga

nagahiliugyong prente (nga ginalakipan sang mga seksyon sang mga reaksiunaryong sahi) sa katuyuan nga ihumulag, pahinaon kag lutuson ang kaaway.

Makaduhang beses nga nagamit naton ang malapad nga nagahiliugyong prente agud pukanon ang nagaharing hubon sa Pilipinas – ang una amo ang sa antipasistang kahublagan batuk kay Marcos kag ang ikaduha amo ang sa antikorapsyon nga kahublagan batuk kay Estrada. Magamit naton ang malapad nga nagahiliugyong prente para sipaon si Macapagal-Arroyo antes ang 2004 ukon paslawon siya sa eleksyong presidensyal sa 2004.

Mahimo nga nagakaigo na para sa isa ka malapad nga nagahiliugyong prente nga maggamit sang mga ligal nga pamaagi para sa pagsipa sang isa ka nagaharing hubon. Pero indi sini mapukan ang bug-os nga nagaharing sistema. Para diri, kinahanglan mangin prinsipal nga porma sang paghimakas ang armadong paghimakas kag aktwal nga waskon ang makinaryang burukratiko kag militar sang nagatingub nga makasahing diktadurya sang daku nga burgesya kumprador kag sahing agalon nga mayduta.

Lubos nga kinahanglanon nga maglunsar sang inaway banwa kag angkunon ang kadalag-an paagi sa armas. Sa pamaagi lamang nga ini naton marumpag ang lokal nga nagaharing sistema kag mapaslaw ang imperyalistang padihut sang US nga ipabilin ang amo nga sistema sa pamaagi sang interbensyon militar ukon isa ka lubos nga gerang agresyon.

MAGPURSIGER SA PAG-ANGKON SANG MAS DALAGKU NGA KADALAG-AN

Mapabilin lamang sang Partido ang mataas nga lebel sang teoretikong kaalaman kag rebolusyonaryong kamuklatan sini bilang abanteng destakamento sang proletaryado paagi sa padayon nga pag-organisa sa kaugalingon santu sa pang-ideolohiyang linya sang Marxismo-Leninismo-Maoismo. Dapat mahibal-an sang tanan nga katapu sang Partido ang paglapat sang rebolusyonaryong teorya nga ini sang proletaryado sa kongkretong kahimtangan sang Pilipinas kag sa kongkretong praktika sang rebolusyong Pilipino.

Dapat nila mahangpan kon paano ginalapat ang Marxista-Leninistang panindugan, panan-awan kag pamaagi sa Programa para sa Demokratikong Rebolusyon sang Banwa, sa mga dokumento sang Una kag Ikaduha nga Dungganon nga Kahublagan Pagpanadlong, sa mga dokumento nga ginapublisar sang Komite Sentral kag sa pagsuma sang mga inagihan kag pagkuha sang mga leksyon nga ginapublisar sang nanari-saring organo kag yunit sang Partido.

Dapat mag-agi ang tanan nga katapu sang Partido sa basehang kurso sang Partido sa una nga tuig sang pagka-katapu. Angkon sang amo nga edukasyon, may ila nga nagakaigo nga paghangup sa komitment kag hilikuton, kag sang ikasarang nga dugang magbasa kag magtuon pa sa ila mga yunit kag sa mga libre nila nga panahon.

Madason sini, pwede nila tun-an ang kursong intermedya, nga nagatuyo hatagan sila sang ikasarang magkuha sang mga leksyon halin sa ila inagihan sa ubay sang madinalag-on nga rebolusyonaryong paghimakas sa Pilipinas kag sa luwas nga pungsod. Pagkatapos sini, makapadayon sila sa abanteng kurso, nga nagatuyo padalumon ang kaalaman nila sa pilosopiya, ekonom- yang pangpulitika, rebolusyong pangkatilingban, rebolusyonaryong estratehiya kag taktika kag sa kasaysayan sang pangkalibutanon nga kahublagan komunista.

Nakatipon ang Partido sang pangpulitikang kusog paagi sa armadong paghimakas kag hilikuton sa nagahiliugyong prente. Gani nag-angkon ini sang tanan-nga-bahin nga ikasarang nga magpamuno sa nagapadasig nga pagsulong sang armadong rebolusyonaryong kahublagan. Ginapapanaog sang Komite Sentral ang mga pagsulundan para sa mga komiteng rehiyunal sang Partido kag mga komite sang Partido kag mga kumand sang BHB sa halintang sang prenteng gerilya agud mahibal-an ang balanse sang mga pwersa, tun-an ang mga kahinaan sang kaaway, patalumon ang hilikuton paniktik kag magplano sang mga masaranggan nga taktikal nga opensiba.

Maglunsar kita sang mga taktikal nga opensiba sa kadasigon nga indi makaapekto sa paghatag-atensyon sa hilikuton masa. Sa anuman nga takdang panahon, ang nagaluntad nga baseng masa kag armadong kusog nagapahanugot sang mga taktikal nga opensiba para makakuha sang dugang nga mga armas halin sa kaaway, paagi sang mga operasyong pag-aresto, mga reyde ukon mga ambus. Ang dapat himuon nga pangunahong sukatan sang kadalag-an sang aton mga taktikal nga opensiba amo ang paborableng epekto sa pulitika kag pagkuha sang mga armas.

Dapat pasingkion sang pumuluyo kag sang BHB ang inaway banwa agud batuan ang polisiyang todotodong gera sang rehimeng US-Arroyo kag ang nagadugang nga interbensyon militar sang US sa ngalan sang anti-terorismo. Ang matag-adlaw nga

nagagrabeng krisis sang pangkalibutanon nga sistemang kapitalista nagatulod sa mga imperyalistang US nga maglunsar sang mga gerang agresyon kag magtib-ong sang terorismo sang estado. Nagatuga naman ini sang mas mabaskog nga popular nga pagpamatuk kag mga rebolusyonaryong paghimakas nga makapeligro sa kabuhi sang imperyalismo kag tanan nga reaksyon.

Ang basehang alyansa sang mga mamumugon kag mangunguma ang ginahalinan sang dalagku nga baseng masa lunsay para sa antipyudal nga paghimakas kag sa paghimakas para sa pungsudnon nga pagpahilway. Tanan nga tipo sang alyansa, ang progresibo, ang patriyotiko kag ang malaparan pero mahuyang, dapat gamiton agud palaparon ang kusog kag impluwensya sang mga rebolusyonaryong pwersa.

Sa pag-atubang sa rehimeng Macapagal-Arroyo, may kahigayunan liwat kita para dugang pauswagon ang malapad nga nagahiliugyong prente, sa katuyuan nga pukanon ang rehimen ukon paslawon ini sa eleksiyong presidensyal sa 2004. Ang subong nga nagawasaag nga

kahimtangan sang krisis sa Pilipinas nagadulot sa aton sang maayo nga kahimtangan para isulong lunsay ang armadong paghimakas kag pauswagon ang nagahiliugyong prente.

Ang Partido ginaubayan sang pang-organisasyong prinsipyo sang demokratikong sentralismo. Kinahanglan maghiliusa kag malig-on kita sa pagpatuman sa mga desisyon matapos ang demokratikong talakayan sa mga halambalanon. Ang amo nga mga desisyon igapatuman tubtub indi ini mabuslan sang mga bag-o nga desisyon base sa mga bag-o nga datos kag hitabo resulta sang rebolusyonaryong praktika.

Dapat naton padayon nga ginatukod ang Partido nga may pungsudnon nga sakup kag hugot nga angot sa mga mumumugon kag mangunguma. Dapat kita magrekrut sang mga myembro sang Partido halin sa kubay sang masang anakbalhas kag nakatuon nga kabataan. Dapat naton tukuron ang Partido nga may bastante nga kusog agud pamunuan ang pumuluyong Pilipino sa bag-ong demokratikong rebolusyon padulong sa kadalag-an.

Madason sa subong nga halintang sang rebolusyong Pilipino, ginalunsar naton ang sosyalistang rebolusyon kag konstruksyon kag padayon nga mag-amot sa pangkalibutanon nga paglutos sa imperyalismo kag sa pag-angkon sang ultimong katuyuan sang komunismo. **AB**

